

悅
親
樓
詩
集

悅親樓詩集卷十九

戊申

海寧祝德麟止堂

古今體詩七十五首

齋宿公廨

乍逢人日拈花勝欲向天門逐翠旂
三宿預申先甲戒九重方展上辛郊
賓筵朋酒飛箋斷虎旅雞人聒枕嗽
獨坐不禁吟興發二更新月挂檐梢

陪祀

祈穀壇禮成恭紀

禮重陶匏日練辛燔柴埽地致精禋

三陔圓殿通元近八表方輿被澤均
穀旦有所貽我穀

治值正申年多福自天申
迴鑾正送銷兵喜又見飛
月入日
雲壓路塵

新年

新年稀樂事寂處抵山林
柏酒回枯面梅花結素心
相於惟子墨漸少是朋簪
且博身強健何愁白髮侵

上元連日陰晦

上元連夕晦坐惜廢良辰
積雪餘寒勒華燈列肆陳
虛襟終待月愁思不勝春
倒甕無佳釀低徊憶故人
謂容齋也

經尹文端公故第三首

黃閣遺徽史冊多
兩江猶有黍苗歌
門庭當日清如水
不待而今雀始羅

問字亭邊花似雪談經堂外月如鉤永寧門館還依舊
應客兒童已白頭

第五才名驃騎誇

雨林都統

六郎高韻絕箏琶

似邨秀才

寄聲司

馬開東閣

樹齋大司馬

莫遣人吟九日花

西苑下直歸途小憩萬壽寺二首

官閑兼退直得勝好婆婆亭榭隨山置松杉夾岸多柳
舒黃欲染冰泮水微波已惹清遊興那容策騎過
岩龔雄古剎攀歷幾回曾行列蒼髯叟陪遊白足僧俯
身拾松子攬臂摸碑棱忽聽齋鐘動安心愧未能

丁祭大成殿眎禮

粵屆上丁節言升夫子堂星明黃屋麗燎炳絳帷煌主

爵嫺丞相司籙簡太常師儒咸秩秩胄子共蹕蹕几席
噉彝器階庭奏樂章兩楹輝 睿藻十鼓發姬光屹屹

穹碑矗森森古檜蒼斯文天啟運有道鳥歸昌海甸妖

氛靖

時生擒臺灣逆
首林爽文奏捷

經筵翼日張治方鳴豫大神倍

格馨香憶昨充分獻曾茲肅裸將

庚寅仲春分
獻十哲東位

躬親頻釋奠微末再陪行

乾隆三十一年大成殿易黃
瓦畢工五十年辟雍成

上俱親詣釋奠翰林
編檢官例得陪祀

監薦誠胥竭迴翔禮不忘春風入

絲竹曙色動宮牆鵠立容瞻視鳧趨儼頽頽來朝頒昨
及割肉笑東方

花朝二首

眼看桃杏嫁東風手挽柔條漸不同歷劫輪迴參佛諦

一番裁翦費天工長安春較江南晚古寺花原色界空
屈指冶遊芳信近定誰陪我踏嬌隄

連日寒威逼做裘今朝吹面覺風柔喚同陽煦眞生腳
歷盡冰霜始出頭與未闌時當酒怯年將老至對花羞
世閒草木非無賴不報韶光總不休

譚蘭楮

光祥

爲其母求乞壽詩

并序

蘭楮爲古愚中丞子中丞蓄姬曰月娥小字樹丹
幼而明慧年十六中丞以官事株累將遠戍或勸
姬改適誓死不去臨別中丞畀以金歸則奉太翁
翁爲置產姬曰主君事必白當復貴毋庸田爲也
未幾果賜環復職翁作文以美姬志今中丞開府

滇南姬生子登賢書矣困而亨貞母以子貴爰爲
作詩得五言八韻

闔壺無奇節唯憑一意堅誰當憂患際能燭事幾先終
秀由衰族緹縈況小年獄料夫子雪文賴太公傳別淚
熒金橐歸情寄石田齊眉鴻案筵弱羽雁蘆全植桂清
輝滿徵蘭吉夢圓固應開府第設悅啟華筵

沈睂峯舍人 颺 走馬探梅圖二首

湖天一夜雪開遍幾邨梅凍鳥不敢下幽人還獨來泉
聲漱竹嶼雲氣羃松臺此段清詩意襄陽未是才
鶴擎出門去危行信馬蹄昔爲孤豔主今柰軟紅迷驛
騎無人寄霜縑逐歲題定知清夜夢多在段橋西

東風

東風吹不倦二月訝能尖狂勢捲花徑寒聲流畫檐輕
冰開復合積璫埽仍添室處猶扃戶車行必蔽幃恹
羶竝集虧蔽日頻覘到處箏弦響何心鈴語占春愁沈
似醉曉夢亂於店谷鳥新簧咽庭柯嫩綠纖韶光孤九
十眾籟好去聲井兼普暢功方賴暄和意可淹直須呼太
皞相與問飛廉命酒終延佇孱微力自嫌

清明遣悶

六街洶溝車路梗糞穢沾塗舉足警紅情包裹綠意緘
嘉節良辰都不省憶昔越中興盡迴正值百五烟光靄
天桃細柳匝兩岸繡閣佳人睡初醒更愛江干油菜花

布地碎金十萬頃。籃輿穿入此中行。隨我百雙蝴蝶影。
江波染出鶯兒黃。返照六和孤塔頂。波心一翦乘惠風。
冷氣熏人如酩酊。入城出城不暇嬾。復向步頭呼小艇。
臯亭路畔半山前。桃李錯雜無畦町。馳紅走白四十里。
雪海霞城一方併。蓬蓬春意透無餘。鬱鬱嵐光圍更迴。
鶯聲煩亂不知主。蜂眼迷離轉似暝。畫船簫鼓半沿綠。
綵榼壺觴競邀請。迎來香車及寶馬。如殺朱顏與皓頸。
湖山亦帶脂粉氣。雞犬直接神仙境。除是錢王馴馬歸。
妝點臨安有此景。乃知化工無盡藏。特於鍾處發其猛。
此閒若許占茅屋。便使休官我早甯。芳林照耀年復年。
付與山農長管領。江南藩潤亦錦繡。羈宦生涯同畫餅。

等是清明寒食天有情能不思鄉井

微雨

欹坐送寒食吟情芳事須畏風同虎嘯得雨是驪珠膏
聲去土已如歇著衫多未濡釀花兼促柳數點勝於無

雨後同人各攜壺榼釣魚臺看桃花

枕邊一夜聽新雨天公似爲遊人處釀出春來第一朝
有雲有日無塵土玉泉山下醺流長釣魚臺前多靚妝
郊行宿約相視笑提壺挈榼閑中忙天桃不爲春風耐
點點落花波面瀟百頃玻璃碧似油萬株楊柳濃於黛
沿隄隨蝶過平橋遠景空明極目邀不知此身滯畿甸
亦有好事來逍遙邂逅鐵冶亭兄弟來遊羃林席草褰飲續烟波

卷一
染得雙睂綠著我漁蓑亦自佳此中惜少三閒屋

西苑過梧岡舊日寓廬余嘗假館於此述所值
以寄

小築三五閒幽隱避廣術此乃鳳皇巢曾亦寄鳩拙浮
屠三宿緣記憶信難忘退直偶過門無心遂排闥虎皮
牆未頽鹿眼籬無缺室邇人則遐未免遙情結有嫗前
致詞官也問何闕往年此屋中徐孺榻常設其行役四
方抑數關不出不然來遊時假館他人室問荅未及已
甌茶解我渴深慚嫗意勤聚散那可必主人尙逆旅何
況鴻爪雪

覺生寺觀大鐘

帝里誇大言必舉覺生鍾駭聞昔未見暇叩山門紅到
寺松栝佳偃蓋何童童流覽未及賞亟問鐘所宮僧彌
導之入傑閣摩蒼穹龐然萬斛具誅蕩懸當中解帶絜
圍徑掄竿量廣崇鼓隧倍以丈銳欒論幾弓窪地築園
池義取聲震空不然哆侈口已苦無所容舉首不見紐
上枕咸鞠躬捫壁作螺旋珠穿九曲通極頂一俯視眩
惑心慌恍奠虞橫巨材蛟螭蟠靈蹤下樓雙足重繞匝
魚鱗喁文字密於蟻表裏兼衡縱品經凡八部欲讀將
安從學士沈度銘鼎體少師補袞功聲聞圓妙諦一一歸
鍾鎔有時鯨杵鳴喚醒大千聾冶鑄且勿論移徙煩鬼
工鐘初貯大內後移漢經厰萬厯朝復移萬壽寺天啟
中仆於地及我世宗建覺生寺徙置今所

鳴呼鐘未作公案知幾重天下未再傳同室操戈凶倉
卒讖啄燕元黃卜戰龍家法繼釋子古義誣周公瓜蔓
慘殺魄草檣淒冤風蘊孽思懺悔包羞媚真宗聚此六
州錯費盡千鈞銅大典集萬手日餽輸百鍾割裂世閒
書正韻駭始終南都報恩寺窄堵高標雄硬礮築密緻
欄楯雕玲瓏此皆非常舉欲以欺愚蒙轉令後世人俯
仰資談鋒老僧揖客出茗椀華堂供上馬一迴顧經聲
隱灌叢

甘泉漢瓦歌和約軒同年

昔年候官林同入漢瓦一片珍把拱當代鉅手王查朱
競致鴻篇示矜寵爾來大興翁詹事搜剔金石神明勇

亦以得瓦爲奇貨誇向友朋共驚捧先生好古不好弄
平居只曉書城擁服官中外歷通顯近且低頭甘散冗
行年七十壁立貧冑偕時俗爭斗甬胡爲持此塊然質
摹搨傳觀詩格聳苛求行識鳳毛疵習見已非馬背腫
徑圍厚薄漫比較林瓦高半寸徑三寸此徑五寸
強厚一寸弱大小迴不侔矣篆隸
異同底輕重林瓦文曰長生未央係隸
體此篆文曰長生無極竊疑漢武窮物
力離宮溝竝南山輩金人玉樹灰且燼何況紅欂與翠
栱鱗鱗萬瓦定摧殘細礫麤砂雜耕墾豈閱千九百年
餘出土瓦全偏接踵子曾持節入轂函我亦乘輶向關
隴先秦法物固漸滅前漢遺文半苔茸得非陶人旅人
閒仿古搏泥有作俑直須棄置等釜缶奚必寶貴同球

珙先生笑謂余不然涉世悠悠如螻蝻玩物喪志聖所
箴懷璧其罪吾尤恐那能精鑒別鼎贗聊作詩題發泉
湧相其背兼中硯材遣伴書堆依筆冢先生詣力上掩
古申轅揖讓班揚悚故宜借此西京遺鳴盛起衰息羣
詢矧復詢瓦所從來以之介侑門生奉但取長生益壽
文祝君有健無隴種

字本荀子與
龍鍾義同

座主德定圃大宗伯七十壽詩四首

典禮兼司樂雍容翊泰昌精神文潞國輩行魯靈光八
柱維鰲極三階麗斗匡幾時相司馬爭問樂賢堂

先生
所居

堂名

爲國畱元氣逢人播好春 九重聽曳履百辟式垂紳

閱歷眞耆宿委蛇稱大臣豈惟天下士藻鑑賴扶輪
五十年恩禮有加不替初境能忘寵辱治必本詩書
著述千秋志孤寒萬夏居門庭無雜客覓句退公餘
平格惟天壽莊椿紀大年酒延端午爵風入

聖人弦地望誰能竝門牆我較先久承絲竹寵不進悅
肇篇

薄暮出德勝門至西苑途中口占二律

萬象豁塵眸蕭然五月秋日光連雨腳山色抱城頭出
郭已塗坦驅車如水流小詩吟未足清景杳難酬

節物因時換鳴蜩入耳殊濃陰障柳幄咽響沸茶爐

試聲頗似之大麥青黃仰新犁往復紆此中多意味竟欲問

田夫

澄懷園步月

傑閣崔嵬枕碧湖

蒲浪切

隄循麓步踟躕蒼松三面森

沈氣圍出青天一顆珠

雨窗遣興二首

人家美園林得趣緣日涉嗟余手掌地蟪蛄巢蚊睫不
忍太寂寞花木學栽接居閑觀物化仰取俯有拾芳草
長不鋤甘蕉抽夏疊梧桐氣傲岸薜荔爪黏貼盆中安
石榴開罷抱病葉一任夾竹桃紅葩披狎獵卻嫌赤霄
子非瓜非豆莢延賢伏兔牽走蔓飛蛇躡鹿薜竝資施
離騷喻讒謀誰當淇澳竹詩義恐未協二物不種生風

噓夏雨溫長養天不擇芟除吾意愜萬物無貴賤得氣
遂陵顰陰膏況助之張王機尤捷籬根及牆角幸未妨
步履不如待秋霜行見根本跲

道邊枯朽株生意久已盡偶然流潤及蒸鬱出芝菌初
如釘纍纍繼作蓋焜焜形瓌色陸離那冒泥沙隕脛可
充玉食細不數葵筍堅或薦嘉祥珍且敵琛賁一朝被
采掇寶貴未敢損金盤上九重光采近龍袞觀者競拂
拭贊歎遍口吻謂是應瑞圖秀毓眾靈醞茲物良足夸
舍諸孰爲允生處有自來竟無一援引豈唯人不及芝
亦漸忘本神奇與臭腐變化如旋軫終然兩無與枯朽
亦奚慍霜雪任侵陵年年僵臥穩

出門

習嬾稀出門兀若蠶繭裹陳人靡所向所向路輒左況
當積雨辰尤畏坑穽墮官事有期會在職不敢惰駕言
入泥濘車陷馬足跛衣冠辱塗炭筋骨困軒簸歸來默
自忖一旦弛負荷日中跛踟眠夜半檮腰坐終歲戶牢
扃人其柰何我偶思訪山水策杖無不可冒雨興固佳
獨遊意亦果谿山不拒人何日謝韁鎖

睡起

長日底消遣聊憑一局棋泥塗客不來宴坐惟支頤午
餐博一飽旣飽無所爲文書信手翻兩目如雲垂強起
遶屋走酥軟入四肢乃知睡有魔不若姑順之陶然北

窗榻香滑青琉璃莊生蝶不擾南柯豔不欺初無夢覺
相但有甘甜滋翻身易一境美味如初時疑飲酒半醺
神醒形終疲輾轉更反側昵枕幾難離坐起忽自失幽
禽鳴高枝此妙孰可說惟有希夷知來朝尋熟路身世
真兩遺

送鄒曉屏

炳泰

典浙試二首

門生門下久如林惟子蹉跎直到今敢說大邦風泱泱
早欽東序柏森森志能茹蘗身謀苦功在迴瀾士望深
此事本來關氣類尹公佗何負初心

階資本分遇非常

君由司業
超擢祭酒

幾見成均

使命將

乙酉
曹文

洛公以祭酒典浙
試閱今廿四年矣

聖主簡賢惟氣節書生報國只文章兩庀春酒鄉人羨
便道省三度星輶吾道光
甲午林子宣丁酉茅畊亭門
觀二老下士典浙試者併君爲三矣
早晚家書來梓里要聽千佛頌聲揚

庚辰同年小集馮星實寓齋時徐漑餘新自伊
犁歸丁汝瑾來謁選併戴菴塘纔五人耳零落
之感不能無詩漫成二首

霓裳聯詠宴秋風青鬢朱顏拂拭中舊譜呼名半爲鬼
少年如我已成翁一樽把處親情倍萬里歸來噩夢空
轉似坡公先得句歲寒猶喜五人同

莫論雞黍約歸休眼底浮蹤水面漚潘岳無花聊作宰
班超有筆不封侯退飛鵲路尋初地
星實始以吏部郎轉臺諫出爲方伯

今仍由考
功改御史棲穩鸞巢怕遠游
服糖資格久應擢京卿只每談及輒退讓不違也
合呼醪排日飲晨星落月總堪愁

露坐

夜氣入草木孤吟相與清
樹頭殘月上籬下一螢明
酒過睡難穩燈吹涼自生
蕭然秋意足所欠只蟲聲

檢舊文書得曹習菴陳寶所手稟二公俱歸道

山未有詩以哭也各作一首

眼中不見高常侍篋裏還留人日詩
檢點那禁紛雪涕
低徊如復挹風儀
冰廳談藝空思昔
蕭寺看花更共誰
曩與習庵看花歎息一棺隨母後
旅程泉路不勝悲
習法源和詩最多
視學粵東丁母憂旋以毀卒

病先施沈館遲捐

寶所與耦堂南雷爲篤契皆中風病而二君已先數年歿轉爲支

離得假年自喜一生無短策可憐未死已長眠斷斷家

約甘猶苦屹屹詩城破亦堅今日羈魂孤寺裏還能來

共賞遺篇

時喪未歸

解嘲

青天行赤日赫赫下土臨房宇縱幽邃暑氣還相尋人
心善趨避隻手陽烏擒高櫓出天棚屋廬加倍深陰晴
若相假舒卷惟所任以此卻畏景誠足妥書琴獨於花
木厄遮障殊難禁席夫而羈地如兒包裊衾又如湯火
中以蓋覆金鬻氣鬱不得透危腐將熏心吾曉封殖方
日眇柯條森竭來棚底看繞樹因沈吟爾若愛花木盍

甘炎暘侵爾欲納爽涼罷種請自今旣思追酷暑又欲
葆芳林事固難爾全此商彼則參安得揚州鶴腰復纏
黃金殷勤語嘉樹火急抽新陰縱橫庭院閒綠雲鋪沈
沈我來坐其下芳醞對爾斟驕陽無纖漏風露穿衣襟
省我搭棚錢爾亦長櫛櫞

桐陰下作

韓公有五楸陶公有五柳或詩或作傳千載在人口庭
前一株桐栽植自吾手雨餘生意足片片碧光瀏一日
百盤旋曦陽不照首明年益以四五桐爲我有哀哉士
徇名動輒思尙友一節慕古賢適增描畫醜草木藉人
傳所重繫誰某不聞由草木人轉足傳後子但能韓陶

無桐自不朽不然樹萬桐亦未必垂久感此獨惘然莫
負杯中酒

賞荷

百草霑雨露莖葉盡厭浥回光照曦陽泣然有餘泣急
雨打田田聲喧面不溼有時走明珠傾側瀉圓粒百花
呈妙態偏反若相狎頭重或須扶腰纖未忍捻芙蓉獨
正色出水亭亭立遠觀卻嫵媚絕世開笑靨倚市無名
姝沾泥無慧業從來君子性初不受引接擺落諸染空
發越眾香壓乾坤清淑氣一往自吐納賞荷異凡葩對
花欲長揖安得十頃池移取萬柄插

芭鞋

插腳紅塵垢膩深。桃椎不遇漫沈吟。奔趨漸覺朝韉重。
冰雪還從故箐尋。曉澤田塍霑稻露。月涼山徑踏松陰。
分明此景難忘卻。誰識蕭然野鶴心。

晚過法源方丈

熟識茶瓜味。尋涼晚夏宜。白梅檀不用。青竹簟何辭。
繞砌幽花媚。歸林老鶴飢。道人休挽客。已上佛燈時。

七夕甚雨

閉門聽秋雨。眾籟夜喧喧。初驚梧桐落。旋覺芭蕉煩。
濤聲在戶牖。坐見銀河翻。注此萬斛水。與世洗炎昏。
烏鵲本微細。敢翼不敢騫。執轡悵河鼓。停梭怨天孫。
乖離信知命。邂逅常寡恩。天上且如此。人間安足論。

卽事

未知何物是靈查碧海青天路正賒
安意張騫嘗奉使難云子晉不思家
暗蛩有淚吟省露清漢無波浴曉霞
早識漆園灰槁理可能容易感年華

秋葵花

君不見秋葵花黃金鑄作盤碎珠走
團團陵晨泣露玉階立一意傾向扶
桑丸騰騰赤暉起仰面東方裏太陽
果鑒爾精誠抱此丹心晨夕埃太陽
不鑒亦不移分與藜藿同榮萎

丁琴泉給諫以事鐫級作詩慰之

寓物取諸人得失未可期官非生與
俱安得長相持欲

來不可禦欲去不可縻達人悟斯旨物化憑推移書生
涉世事披豁示不欺忠信格豚魚不能格細兒癡狗固
難防媒鳩易弗麾何嘗鑄大錯豈曰無寸非吳淞江水
清舊有釣魚磯祿養待斗粟未可銖毫之省郎故物耳
熟路還驅馳目或不見睫轉盼當伸眉

題劒亭火烙畫倚樹聽泉小照三首

澹無筆墨痕筆墨知非貴如何貌先生轉帶烟火氣竟
體皆芳香此中熱則未

身與長松貞心與流泉清塵中乏泉水返聽惟心聲何
物彼童子擲瓦投清冷

故山琴筑音鏗然出蒼綠平生雙耳潔不待洗千斛歸

好住亦佳安事分清濁

蟲

酒力太微薄蟲聲不放愁關山寥落意絲管別離秋雨
歇豆棚冷月明梧徑幽羈魂已無那切莫近牀頭

同年龔簡菴共事輒門有贈

曾奉南豐接蕪香

余與簡菴會試俱出趙歐北先生門下

同年交誼廿年

強乍偕祕籍讐三豕

去歲文華殿同校四庫全書

早有才名蓋五羊

官職忽疑封戶牖監司初不與

去聲

文章人間最好中秋

月與爾平分一夕光

次劉純齋秋闈使館喜晤韻

古路今心妄自鞭雲龍蹤跡那相連暫欣攜手秋闈館

不減羞肩翰苑年驥子鳳雛原有種時猶其子雞鳴犬

吠亦能仙籙才敢以迂疎謝除卻文章盡廩然來詩謬

謂綜理得宜多士悅服故愧謝云爾

畜雞

日仰大官給膠膠聲滿籠常羞公膳半日得一雞殺戒佛緣

東未辦橋公祭難期獻子風神仙如可學真是祝雞翁

中秋對月

瑞光騰湧豁瓊宮地迴宵嚴氣倍充萬土無譁雲作路

九天不夜月當空小年兒女能思否隨處河山此境同

便欲登臺觀星舒遠眺不知身在鎖闌中

十六日監放舉子卽事

魚魚雅雅出風檐背負都籃手執籤幾輩文章雄繡虎
昨宵光彩鬪銀蟾膏騰矮屋牆當面辛苦終場塔合尖
草莽三千齊下淚豈期寬大湛恩霑以新例干貼者
幾三千人特
旨寬
免

十六夜翫月疊前韻

便擬陵虛躡紫宮星稀河沒夜光充暫遲出海殷勤待
依舊無雲點綴空步遍瑤階詩自和望竚玉宇賞誰同
雪霜鋪滿牀前地直恐鄉心擾夢中

登觀象臺二首

巍峩在望棘垣東此日登臨豁霽空手摘虛危森絕漢
身隨鵬鶚浩呼風鱗鱗夏屋寒烟外莽莽秋原落照中

莫笑平生惟坐井高冠長劍倚崆峒
尺五天門氣象寬離離倒挂列星乾
玲瓏對面舒弓藥
渾沌中央轉彈丸太史書雲分至候
法宮齊政玉璫
端周咨儀器嗟人巧造物真憑隻手搏

秋分後一日作

不覺宵長晝亦長晨昏衫履襲新涼
憂從何起休論樂
閑到難消轉羨忙無所用心惟飽食
有能投足卽歡將
草橋荒蔣江亭柳已失清秋一半光

菊溪攜尊至

投詩日日聽琵琶料軒車竟賁臨
剝蟹剝菱無俗嗜
繪聲繪影有高吟
出八影八聲詩見示揮毫要看龍跳闕
時以紙乞君書

將子深慙鶴在陰通小兒子來談到夜闌猶未倦窗前
寒雨颯然侵謁命侍坐

蕨塘以吟梅閣詩集屬訂題其後

嗒焉兀坐寄聾瘖興味還於子墨尋賴有佳篇消永晷
每從幽礦得兼金某師一著須憑譜繡女千絲可度鍼
詩好易教庸福折勸君休費短長吟

夜坐

此來睡味足平生堅坐時能達二夏已罷叢書終卷讀
轉嫌疊鼓麗譙鳴論文豈敢輕餘子飲酒何妨得老兵
獨自結跏禪榻畔依依殘燭倍多情

以糟蟹八枚遺內侑以詩

撥囊分攜露甲香人嗤兒女太情長細君遺肉原成例
大蟹調琴未改張豈解詩篇吟郭索卻憐風味近糟糠
幾時真返江邨去篋斷槍籬對剝黃敝鄉風景破大竹爲藩謂之槍籬
汪時齋侍郎臨董文敏牡丹賦小楷見贈賦謝
時晴文端公齋名筆法儷天瓶張文敏祕府流傳翠墨馨大令
竟能宗內史烏絲全喜仿黃庭國華鳳羽忠爲教家學
蠅頭孝有經文端小楷孝經石刻爲世所珍重千顆驪珠一篇賦豈期
拜賜在闔扁

菊溪至輒門訪恆道長咫尺間竟不過余詩以
代訊

地隔本無來往禁心交不以合離論乍聞車響風迴轍

似有人過葉打門千里關山原委命

語本韓詩而稍反其意滿盤

魚肉已叨恩采蕭詩義須尋繹一日三秋語最溫

時維九月天氣未涼連日霧雨迷漫絕無秋思

漫成一律

脫衣防冷著嫌暄一日掀騰定幾番喜與梧楸停落葉

容他蠅蚋張游魂可憐時節真珠露

樂天詩可憐九月初三夜露似真珠

弓月似未醒風光紫棘垣莫向篋中增感歎經拋團扇尙

承恩

菊溪復攜蟹酒邀夢鑑溪大通枉過話舊

此夕何殊視草辰玉堂風月雅相親

二公與余共事清祕者數年流

年易感真如許舊事能談更幾人不怕苦吟嘲我瘦轉

嫌饒口累君頻依依最是銀臺長同向尊前祝病身溪
久病未痊
余亦苦嗽

翼日放榜喜而有作次章示分校劔亭端崖二
公蓋辛卯壬辰間禮闈共事者也

萬卷丹鉛事漸稀籠禽先後聽翻飛外簾西所言事秋
畢以次先出

風何處人當哭明日重陽我亦歸物到能齊隨境好職
緣易稱素餐非不知時序遷流速已把羔裘替綌衣

奎聚星聯密坐閒當年履迹記追攀陳人差免諸生笑

造物非于二子慳二公文
衡最盛使命自天無厚薄官司易

地有忙閑上科劔亭司
瓶門之役持衡終勝監門吏歸去榮誇玉

筍班

六十五道長由弓箭手從軍西域以勞將擢今
職人不知書而質魯可愛同事四旬明當分手
贈之以詩

相依月夕共風晨彈指流光閱四旬問俗稍諳回準部
從君訪新疆山川對君方信葛懷民鄭公嫵媚誰曾識
風俗諱之妮妮也
孟尉酸寒意轉親亦有世閒文史客太行王屋險嶙峋
五更起坐候榜發始歸

不關痛癢那無情孤館殘燈默數更夜靜榜騰龍虎氣
天明人雜哭歌聲喧喧車馬過歸促擾擾胥徒捷報爭
卻笑先生何所爲親知淡墨或題名

抵寓

曙鴉與我共翱翔歸亦無聊出不妨病女尙憐親藥石
敝廬何意有滄桑出門後補蘿書屋北而復葺已落成矣難孤佳節醉浮
白更檢時花藥逗黃獨惜向隅人破涕門庭冷落少輝
光上臨叔館於我不第

悅親樓詩集卷十九

男志箕校字

悅親樓詩集卷二十 己酉

海寧祝德麟止堂

古今體詩一百一首

戊申九月十九日以彈事鐫級當補部員仰荷
聖主矜全且感且懼杜門卻掃絕意吟咏仍日校三分
四庫書以了御史任內未竟之事越己酉三月
將卒業率成長子四章示同館諸子

一行一坐一思愆報國平生志太堅就事本來疎考
覈荷恩猶未削班聯搜尋俸篋無些子檢點詩囊少
半年莫向故人商出處孤桐榮落總欣然

羽毛從藉稻粱肥雞慕焚籠鶴慕飛薄宦又教移省署

齊民亦可止邦畿欲沾長物先驄馬倘典朝衫定繡衣
不是五湖無著處恩深未忍遽言歸

三年六疏柏臺中要以愚誠願罪躬已爲世途畱地步
只憑

聖主是天公事無恩怨休論報命有亨屯不怕窮辛際
清時公道在看他物物被春風

廿載承明伴直廬改官依舊校官書卽今身已同秦贅
連月功還課魯魚白髮多情來點染青雲無路送吹噓
好期了卻丹鉛債自向三乘問鹿車

三月十七日同人遊白雲觀遂至釣魚臺看桃
花歸集映山侍御澹足軒聽歌童度曲三首

欲訪神仙宅真靈似可呼地仍雲觀舊言記雲山俞見

史本燕九良辰勘劉鑿妙手無近看金碧迴出自水衡

帑

草色忽然碧桃花不冑紅因之攜勝侶相與逐春風收

拾新詩料商量舊釣筒滿槽橫漲水只自過橋東

杯酒照新柳湖波翻夕陽清遊不嫌數入聲佳會豈能常

遲月飛明鏡聽歌繞畫梁醉歸是何處夢境白茫茫

看花絕句

憫忠崇效唐朝寺官放何年花浪開我比樂天年紀小

者回來亦別花來

新燕

哺養平均字育勞領鵲上下逐游敖偶過喬木欺鶯翠
儲蓄積池媿鳳毛學語風檐纔可聽試飛雲路未能高
主人恩重休相負來歲梁開故壘牢

移居橫街四首

移居亦數數蓬梗隨風旋問君胡爲爾官職今左遷官
大住華屋官小棲卑椽倚桐非鷓鴣雀枳棘非鸛鸞我官
本不大曾充臺諫員我屋亦不華較此殊堅完豈有失
祿人月輸二萬錢匪惟謀節縮兼亦銷過愆欠伸檐打
頭窺視牆及肩僮僕竊歎息先生無悶焉爽塏與湫隘
可作一例觀不聞淵明語容膝審易安

衣山

李翺

妻之兄昔年官翰苑乃翁秉節鉞清德寡生產

僅構此室廬俾得安雞犬公車我計倍實維東牀坦西
偏屋三楹預謀作甥館未幾文戰捷忝領庶常選出入
同一車朝暮同一饌談經欲奪席聯句互拈管暇時傻
對奕一著死爭算推枰變色作檮子反脣忿摩壘旋致
師腦膊不輟轉有樂靡弗爲無事亦相伴其時余未婚
兒女今排筓卻顧墓上木團團如立繖重來廿七載萬
事猶在眼俯仰一愀然豈獨老妻泣

堂前紫藤花去後誰所植修榦走龍蛇嫩莢垂蜥蜴可
憐厓架陰不啻張幕帟仍能引清風足可驅炎赫陵晨
露滴香向晚月穿隙綠天未覺低赤地不嫌窄吾友王
露仲嘗於此卜宅得非其手栽尙荷君子澤朗咏角弓

章曷敢忘封殖何時相邀來其下共布席抵掌論心期
銜杯話疇昔可惜移來初正逢花狼藉明年花開時我
又歸故國

平生恥問舍泛泛鷗鷺身萬閒茫寒士夙願未獲伸本

趨必赴壑葉落終歸根先人畱敝廬辟在東海濱有堂

曰葆光

萬曆年先
廷評公築

有樓曰悅親

宏治間先
致仕建此樓以養二親

沈石田
作圖

塵劫經滄桑巋然此獨存緬惟締構初美哉與

與輪閱世既已久漂搖風雨酸所愧爲人後無德廣馴
門先業其敢墮逝將貽子孫歸卒幸有期期在明年春
從此奠井臼免見移居頻只愁葦瀝囊故宅何由新貧
中有差等猶勝無錐人

移家旬日鄰人不戒於火寓齋幾瀕於厄驚定

後紀事二首

琴書廳位置寄跡市廛交一炬初吹擇千家頓卷茅本
殊鶯出谷幾累鳥焚巢鄰里成焦土翻慙賸井庖

已分同灰劫居然免毒痛反風天或相喫酒衙終誣莫

救親朋哭

戚好中多被火者

那辭晝夜呼

東鄰燒斃二人烟燼未滅而救者已散余

躬督僕役擔泉澆

人生憂患裏何地不堪虞

罷官後鬻物爲生昨遣去吳駿公舊藏宋槧本

東都事畧及天籟閣流傳呂道人製澄泥硯不

能無感別之以詩二首

一自梅邨

各本俱鈐名號印章

一墨林

硯有銘識

向來二物抵兼金宋

柳雕版前型在呂氏搏泥故樣尋鬻駱放楊原有例焚
琴煮鶴亦何心兒孫未必能求價得失由吾更孰禁
爲文本欠筆如椽諛墓文今不直錢硯已可焚何況賣
書憑堪食豈能仙飢驅到爾真羞澀鑒賞由人或愛憐
只恐偷兒梁上笑併無故物剩青瑣

寓廬甫定次第修釐遣此閒情拈以新咏得詩

六首

長安五月交日馭騰空赤家家搭天棚上箔而下席卷
舒惟引繩開闔勝張帟炎涼儼在手不畏驕陽逼延爽
良足佳召災亦孔亟禍機伏於微未至誰察識鬱攸昨
肆虐呼嗥救不得比鄰拉雜燒患已在肘腋徹塗無所

施先著將棚拆倉皇莫措手相顧但失色急行無善步
怙亂愈糾縱縱橫挂席片顛倒架枝格反風來遇歟行
險竟逃厄成功且勿毀整理命工役人當剝膚時遠害
恐不力泊乎還定後又復謀安適恆情罔不然余亦未
免惑君子慎修省朝乾夏夕惕出水思湯湯出火想焱
焱來年然後已何殊攘雞客

右整棚

貧官無長物服用祇恆需貨賣近一空所存數束書由
來亦不易憶昔通籍初節俸歲購蓄意欲萬卷儲東西
南北人奔波鮮寧居轉徙半匹佚一半飽蠹魚少壯志
量勇經獵而史漁朝顛諸子菁暮咀百家腴謂窮數載

力不難通五車盛年鹵莽過世故相乘除憂患擾其心
疾病纏其軀昏昏智慧減冉冉歲月徂豈有卓犖意復
到衰鈍夫昨朝移室家狼藉簷與廚捆載復避火幸不
爲燼餘籤軸理甲乙次第架上臚腹轉不如架其能無
愧與我書不能讀子孫定賢愚雖然且瀏覽豈不賢擣
菹

右理書

此君一日無庭宇多俗氣子猷旣云然東坡亦嘗謂燕
京本少竹有竹可貴況余孤僻人尤配清氣味每當
一宅卜不惜雙緡費風前弄嬋娟窗外映髣髴非徒吟
嘯時藉以滌腸胃愛其竦亭亭直節近剛毅家山萬琅

耳不數千畝渭逃名夙所期息影媿猶未新居乃淋隘
琴劍此攸暨便令移數竿勿維凡花卉寄土伴傷根兼
值炎景畏陵晨汲井泉那辭躬灌溉祇此扶持理余力
所能暨湧沱渥雨恩則待天公乞

右栽竹

種草當種萱樹木當樹桐萱草能忘憂桐材用不同長
成伐琴瑟天子彈薰風一彈民愠解再彈民財豐不然
延鳳皇棲集來雌雄此木令人敬非徒蔭簾櫳去年藝
一本柯葉青華華主人無定居旋轉如飄蓬累爾亦移
徙水灑兼泥封洩旬土性習萌蘖方茸茸舊顛脫萎葉
新機發稚蓼晨昏顧之喜佇盼清陰濃剗剗彼何物有

螫者黃蜂去來不須史頻繞孫枝中意欲掇其秀以作
餽糧充驅除焉可後護視戒備偉蜂乎吾告汝汝食胡
勿供前有藤花架後有樗樹叢葉密陰亦繁恣汝啖齧
兇慎勿肆侵襲賊善罪不容此木閱十年當獻蓬萊宮
縱余不及待豈無後來儂

右護桐

言有安石榴傳種自身毒凡花無純丹大赤此其獨朱
明離火旺秉氣得炎熇每迎端陽開煥艷奪人目花匠
輦運來年年棚底蓄了閒千百顆蓓蕾富於粟未幾珠
彈拋墮落不待觸紅豆滿閑庭纍纍若可掬要花無花
看但剩枝葉綠轉疑賣花人賺錢以計鬻物性有好陰

焉知此喜暴今年別院中遮障無薄茜兩盆恰位置烈
日日照燭既晡停夕陽始且邀朝旭催開血色鮮添扇
火光煜花謝葉復滋芳意漸引續不虞花匠笑當日失
調育可悟牧萬民弗殊養一木苟違性之常安得遂生
畜

右暴櫬

心靜身復閑消遣無一法藝缸養文魚習久自相狎欠
伸午睡起曳履當階立紅霞漾金光青餽投飯粒似無
貪戀意多寡隨人給盆甕雖小器游泳勿嫌狹江湖多
風濤大物所蟠蛰雷訇橫海尾浪鼓掀天鬣磨牙食同
類弗顧鱣鮪泣似爾徑寸身瑣細不足拾池塘清且漣

凡鱗或羣集趨跳混蠢鰓鬧亂伴驚鴨有時客垂綸患
害在睂睫不如升斗水藻荇恣唼喋怪亦不爲鰓瑞亦
不爲鰓貴亦不爲相賤亦不爲妾勿憂漑金鬻勿慮彈
劍缺東家同祿灾殃亦未嘗及井中坐觀天空外行逃
劫滄溟一勺同芥子須彌納終恨文采彰賞玩與人接
何當自晦藏永謝傍几榻

右飼魚

偶成二首

五官各有職人身因不具昨行逆旅中忽與瘡癘遇瘡
者不能言聾者不能聞離坐相視笑闕若庭無人吾舌
亦能出吾耳亦能入周旋土木閒何山作問荅凡事窮

則通奚必假聲音呼僮具紙筆接之以手談瘖書吾荅
語聾問吾書字參差用口耳各得箇中意勿嗤瘖者聵
天與括囊要勿輕聾者塞未鑿混沌竅汝口既太直汝
耳又太聰宜乎蝨其間悔吝叢厥躬瘖聾真汝師從茲
日相習往者不可追來者猶可及

最黠莫如鼠最毒莫如蜂鼠來侵我屋蜂來損我桐我
屋有承塵糊紙白於雪我桐有孫枝茁葉碧於玦彼鼠
工齧紙彼蜂善啞葉承塵無完膚孫枝無挺甲葉蝕會
重茁紙穿會重糊既茁蜂可滅既糊鼠可除不除屋仍
破不滅木仍挫莫遣蜂兇殘莫救鼠飢餓此鼠縱可除
此蜂縱可滅保無別蜂啞保無他鼠齧不若姑聽之物

我兩忘機灑埽洞洞屋灌漑濯濯枝乾坤一大宅吾身
乃過客何處無鼠蜂勸君且偃息

題廬檢之前輩竹林斲易圖

人事賅六經危懼易之蘊一言以蔽之曰惟憂悔吝精
微義文理卓犖周孔訓六十四卦中大義細剖認見豕
何以睽執牛何以遯何爲愬愬履何爲號號震孰是班
馬屯孰是師鼠晉中孚合乎蹇明夷通乎困入吝始習
坎行庭終敦艮忠信乃筮坤丁癸敢忘與聖人寡過學
吉凶非所問用世戒壯罔觀我識退進先生過庭餘受
易自髫鬣觀象復玩辭知道逆由數順一編絕幾續九師
探還擯明經陟清華豈必緣閭閻白雲三世澤

君曾祖
文恪公

初任州判 聖祖御書一榻白雲扁額以賜後由
中書改翰林 刑部侍郎子若孫皆由詞館長秋官乃
書之 賜金紫謂重振世胄盡貂蟬冰銜垂老忍一囊方
朔米豐歲亦飢饉蓬瀛閑五九領袖諸賢俊惟懷 眷
舊恩自處尊光分盈虛有消息勘破定無悶蘭階茁若
秀厥臭迪餘韻鶴鳴子必和在陰理可信後學叨津梁
惠愛及迂鈍把臂入竹林河洛共談論

太常仙蝶歌 井序

太常寺舊有蝶自明嘉靖閒始見棲於大堂扁額
後夏則出入庭院時露靈蹤人欲見招以素帛亦
翩然來集見之者皆呼爲老道秋分後卽藏匿其
嬉遊之地往往於天地壇樂曠潔也朱竹垞曰下

舊聞載其事乾隆五十三年十一月

上於咨政之暇垂訪寺臣具以實對

上思欲見之寺臣趨至方澤壇蝶在焉默通誠意蝶即

下盛以綵合且戒之曰

主上欲見老道老道慎勿驚駕進入宮啟合則若作扶

服頂禮狀受賜以哈達

國語素帛也

敕號曰仙命寺臣

護視送歸

御製詩章刻石摹搨頒賜王公大臣

仰見

聖天子茂對時育萬物誠敬之至通於神明卽一蠕動

之微無不可以感召豈前代人君好祿祥而索幻

妄者所可同日語乎近編校故宗伯定園師詩集

見有仙蝶詩因補作一篇以誌事實

太常漢唐長九卿今佐禮部諧寅清天神地示人鬼享
職掌壇壝兼宗祊公署舊傳有異物羣呼老道沿俗稱
既非王母青鳥使亦非阿閣丹鳳朋衣裳初化句漏葛
圖畫未入西江滕不知生閱幾浩劫自明嘉靖來神京
嶺南故國不思返冬藏夏出依儀廳招以大帛亦偶現
如士大夫須旂旌園邱方澤熟遊地能以精爽交神明
人閒花草非活計飲太和氣食德馨吾

皇治道邁前辟敬天勤民本至誠鳥獸咸若澤旁逮豚
魚交格字中盈弗言神異絕欺詐弗尙祥瑞防逢迎幾
餘格物考庶彙彝尊著錄寧無徵禮官具以實蹟對因

思一見羅浮精冰雪正當潛蟄候

宸衷所動通幽冥翩然而下北郊側貯以錦合申丁寧

鞠騰擎蹕上御榻啟眎不震亦不驚塗金錯綵衣黼

黻欲呼萬歲慙無聲螻蟻亦識君臣分血氣同具尊親

情

天顏有喜錫纁素仍加仙號流芳名丹毫揮灑抒睿

藻庸歌刻玉頒在廷李迪飼雞字育勸御題雞鶩待飼圖

各直省封疆牧吏以教愛民韓幹試馬荒淫懲御題明皇試馬圖

頒賜內外臣僚以示咨敬併此為三匪游藝天人感應彌兢兢歸

故處自矜寵仙乎仙乎樂且榮栩栩乍醒漆園夢口不

能言余代呈初來適值釣叟釣明世宗自號天池釣叟見沈虎臣野獲編臣

姦主開蒼蠅營醺壇元修事道錄香冠取媚青詞焚政
由陵替禍由肇苟延末葉滄桑更國家寶祚綿億萬
百五十年開太平今日幸逢仁壽域民得其所物遂生
且儕龜鶴論年歲肯與燕蝠爭晨暝

有道之君我則見無道之世嘗隱形默相感召不疾速
瞻雲就日幾方乘於戲觀國之光利用賓四方無地無
賢莠翹螻之族尙如此何況人爲萬物靈

寄家書附詩紙尾呈諸叔昆弟

寸紙家書仔細陳同堂應念罷官人浮榮了卻三生夢
本分還余一字貧妻子可憐終棄蹤江湖隨處好垂綸
只緣未報

卷二
君恩重輾轉難收委蛻身

連雨後出門答客

來往原非太上情
曾聞不報禍根生
如何蟬蛻鴻冥後
猶自拖泥帶水行

偶成

經卷香鑪作靜供
安心已退膜重重
爲憐鑽紙頭難出
自起開簾放蜜蜂

歲乙巳舉壬戌同庚會會者五人起於初夏不
一月而秋浦落職越二年篠庭擢鴻臚卿旋以
病予休又閱期而余與簡田兄相繼被議今獨
葑町有位臺中耳秋浦來京話舊因仍用眠字

韻作詩二章一以示秋浦一以贈荊町也

已分寒灰不復然四人罷黜閱三年無田可退吾尤甚

同氣相求子卻先

會倡於秋浦

宦海波濤千丈落命宮箕斗

十星聯優游總是叨

君賜飢卽加餐倦卽眠

富貴原如草露然知非何必待蘧年前車可鑒循塗易

碩果猶存得氣先刑法專家鉤案牘

御史有埋刑之責荊町由刑部郎中

改授故云

廟朝隆典察班聯遯公無以消長夏好展桃笙自在眠

贈相士王瑜圃二首

并序

瑜圃名灝江西吉水人以相術遊公卿間言入生

死禍福無忌諱以是識與不識皆呼爲風子庚子
秋遇於友人席上爲余言近事亦偶有中者以後
絕不相聞罷官後忽來拒之不可則徑排闥入抵
掌談論刺刺不能休自此旬月輒一過過必劇談
余或厭倦隱几亦不怪一日語余曰我非能精於
此術也不過假福善禍淫之理掉三寸舌以覺世
爾每見封疆大吏威福自恣膏粱子弟奢僭無度
則以禍怵之怵之未必信也則舉目前未來事數
端以碁之曰甲日事主吉乙日事主凶姑試之驗
與否驗則終身無不驗矣及歷歷旣驗彼亦動於
余言而或庶幾修省也曾記謁方伯某卒然問曰

余當僇否則應之曰諾公知當僇則可免於僇公不知當僇則必及於僇某頗有愠色未幾果以賕敗嗚呼使若人者因我之一言而率德改行亦未必至是我非能神於此術也我之術如是而已余聞之蹶然興曰昔嚴君平善卜與人子言依於孝與人弟言依於順與人臣言依於忠汾陰侯生善筮必先人事而後說卦若子之言是君子之用心也是古人之善誘也道也進乎技矣乃樂與之交而贈以詩

公卿各具好頭顱富貴天然壽考須欲訪唐生爲判斷
卻遭風漢漫挪揄休將一歲輕山鬼未必三機走鄭巫

情事類集 卷二十一
迪惠逆從惟影響指迷誰識用心殊
多謝輪蹄數叩扉自家面目認依稀
本殊瓊樹瑤林物
差免麀頭鼠目譏生死便當同草屨
窮通何必問麻衣
願君索我形骸外墨色黃骨已兩非

美人梳頭曲

曉窗續夢春無主忽聽鸚哥遞嬌語
流蘇斗帳不分明
揭起龍涎裊香縷蘭湯泛灩濯芙蓉
點黛安黃寶鏡中
打散青絲光委地烏雲壓檻霧濛濛
蟠龍墮馬新時樣
侍兒宛轉從旁相一雙雪藕臂交叉
十八盤猶幾綰長
金釵潤滑插半邊鏡中照鏡真可憐
朝朝月裏現雙影
已覺玉顏非去年

約軒七十壽詩二篇

世俗祝嘏詞屏幃取文賁不言六德兼卽云五福備石
交辭貴質不尙貢諛僞卽如君一身造化若相戲謂君
命塞薄偉然廟堂器乃由鼎甲科而躋收伯位謂君命
利達屢起屢顛躓三出入玉堂遍紬繹金匱當其騁康
莊循塗自按轡冰兢表具僚不爲富貴累泊乎鍛羽翮
閉籠自養翅矍屈隨後生未見幾微恚乃知達者懷通
塞但一視如水納方圓槃盂任所值今年政七十早拜
鳩杖 賜飛揚少年興閱歷老人智談笑卻熊羆飲噉
作鼯鼠葆精守谷神期頤胡弗至卽今五品官尙荷
宸衷記疇咨每注存會致鼎台地此理有可信茲言非

取媚

天子壽無疆應運皆耆瑞

君懷康濟略開口談吏治威惠在滇黔文章乃餘事結
習亦未忘吟咏伴寢饋三十四卷詩玉潔珠光粹詞林
願先睹至寶不終闕幾人引調同不以迂狂棄瑤篇纔
脫手往往荷傳示因得全豹窺豈惟三舍遜通經輟固
生樂道綺里季鬢眉真神仙翰墨固清祕編詩紀晚景
請自今日始一官一集成君傳經堂詩以官分集一歲一卷次九
老會中句一品集中字日積而月累再得三十四傳鈔
俾卒讀續題續評識我亦到君年駑馬追神驥春酒沾
餘觴激灩南薰吹從茲日日飲猶得萬場醉

止堂詩 井序

麟幼時先君命以名及冠字之曰趾堂其後號曰
芷塘者蓋因字音相近假借而通之者也近閑居
卻埽需次無期妻孥乏食不得不作歸耕計每自
期許旦晚息影邱園當築室三楹顏曰止堂非敢
託聖人時幾之義亦竊慕老氏不殆之風筆工姚
國祥向爲余製筆昨自吳興封寄新製羊毫四十
管管端皆鏤以止堂鑒賞字三千里外若先得我
心者嗚呼庶幾止有日乎爰仿淵明止酒詩體作
止堂詩一篇

小時讀大學安定在知止稍長玩周易時止艮其趾趾

在下而動一身藉驅使行步蹶且顛誠不如其已畏影
止疾走惡沸止然底悔淫止思想懼訪止口齒雞知止
於時燕知止於壘何爲苦役役仕宦車生耳謂從今日
後似可以止矣筏渡教止岸輪牽教止梃一止泯得喪
再止齊生死不止兜率天不止蓬萊渚且期止我堂居
止遠城市倦止竹林中飯止禪房裏靜止文書翻動止
釣絲理止客叩柴荆止兒索桃李吉祥瞻止室洞徹鑒
止水一止無不止不止唯酒爾

李松雲中允案頭攬得眼鏡一具用之頗合戲
作古詩廿二韻奉酬

少年誇眼力精銳箭穿札上觀天光三下瞰地極八段

書宵不眠作字困猶眊過勞等膏煎暗損如羽鍛昏花
霧漸蒙眊眊綃輕帙通變得管闕助長異苗堰一雙白
璧圍兩片玻璃滑寒非夏蟲疑明可秋毫察耳牽覺路
繩鼻縮虛車轄不愁譌帝虎轉喜除埃坵慙余目識丁
羨子思抽乙詩篇揮競病文體剔茁軋多目夙慧根

重瞳新簡拔近將建牙齷行復主生殺褰帷咎瘡痍壞

屏洞垓北

時松雲以察
典記名外用

此物無所用姑舍不爲惹仙李

本榮華太祝例竊瞻垂青方炯炯草元正戛戛投贈固
殷勤攘取未姦黠瞳眸朗月映眸子癡雲刷如豆翻異
書看花訪古剎從茲玉鑑懸直抵金龜刮

題葭塘少鴻臚柳塘春泛圖

長安舉足愁塵土六街三市周環堵帆影翻施歷鹿車
北方小車往往張布帆雁聲誤認伊鴉舫通惠河因轉

轎車遮陽亦如帆幅漕閘開門邈邈水滌洄鳬鷺幾隊迎來棹楊柳千行拂
去橈我亦頻年發清興每隨漁父尋幽勝風月多情去
不覺篋中尚有丹青贖余曾作吳興才子今詩伯聽鼓
趨朝官典客爲想潺湲與濯纓乘閑一弄滄浪碧雲溪
菰水弁山前風景招人最可憐春來處處皆圖畫不獨
桃花近酒船

秋浦屬題畫幅二首

白雲抹山腰泉從雲際落雲泉渾不辨山骨愈成削倚
樓人罷琴延頸佇歸鶴

投竿釣空淥。柳林滿紅葉。參差沙渚閒。帆影亂於蝶。中有捕魚船。出沒江雲澤。

前作詩投松雲翌日以他鏡求易乃歸之而畱其後至者仍遣以詩

青天高高雲靈靈。山河眼界憑流覽。蛟宮盜取千年冰。幻出妙蓮雙菡萏。一目十行君所誇。兩手三硯吾烏敢。少年老伴未割愛。匡壁車囊空抱憾。連城璧教歸自秦。照乘珠豈投諸闕。姬姜蕉萃底分別。第免孤眠余亦領。投桃報李長物無。乞酒得漿嘉惠感。不須徑山覓龍井。君子之交如水淡。

玉崖觀察自打箭鑪馳書存問并附詩四章感

悅親樓集卷二十

七

其氣誼之篤次韻寄荅

不作陵雲載酒遊料兵轉餉正防秋

時巴勒布侵擾西藏派令駐鑪城辦

理軍烏斯藏接慈氛淨白帝城連惡浪浮老子胸中原

貯甲書生骨相豈封侯邊關鼓角聽蕭瑟寫出懷人一

段愁

九方千里絕相憐竝轡東華十五年文價重於青玉案
交歡早在大羅天殿春花放邀同賞銷夏詩成索和篇
今日草元亭下路獨傾盃酒聽鳴蟬

一封書走萬雲林字裏纏綿意獨深末路交情懷賈孟
名家詩味揖高岑卻金早著清風節遣使先知舊雨心
承許續遣人海內音塵俱斷絕是何施報轉沈吟
齋金闕助

知非不必話從前
燥溼應難再收絃
棋可消閒彈玉局
易能寡過續韋編
生涯一片端溪硯
歸興三秋潞水船
記得五湖雞黍約
他年相待亦欣然

六月十七日立秋

溽暑奚堪耐
柔金正伏時
雨疎桐不覺
秋到簷先知
愁怕蟲聲惹
身憐燕影羈
靜觀參易理
底處有盈虧

秋夜聽雨

雨聲連夏不能休
爭奈瀟瀟復入秋
一樣窗前檐霑響
無端點滴在心头

鄉思三首

欲辭京國尚流連
鄉思危於箭脫弦
賴有詩書爲麴蘖

平知官職是雲烟坐馳虛室眞教止懸解天嶺不復牽
只道釣舟容易具五湖秋水浩無邊

得歸長作太平民耕鑿無非浩蕩春念到

君恩惟結草生來秋思只關尊人言易退愁漂泊自分
非材合隱淪近亦畧叅圓覺諦那能重現宰官身

敢云高尙覓林巖鄉里仍榮省署銜世路機心忘短策
他年身命託長鑱已成傀儡終場戲休羨江湖順水帆
若待有田歸計決此生何日脫朝衫

團扇篇

團扇復團扇皎潔裁素練搖動生清風奉爲君子玩提
攜重愛惜豈料時節變涼露零玉樹炎歊退金殿篋笥

亦君恩棄捐非所怨

吾身

刮龜不成瓊蒸砂不成饌吾身隨分足安用計生產一
室戶矚扁視不越門限開關見萬物而自不見眼黃河
或可塞青嶂或可鑿書生欲送窮平地起閣棧

屋漏

凡事貴適中過則生愁苦天地胡不然六氣循其序人
心本無定與時爲迎拒春深不要寒秋高不要暑四五
月之交人人皆望雨一聞點滴響喜色翔睂宇今朝斗
室中欲避無處所同此耳目情欣戚遽如許銜杯且聽
之吾猶勝露處

小女

小女不識愁捉蟲籠中閉捉攜愛其鳴日以瓜菜飼黃
昏慮放逸潛向枕邊置老夫睡難著不知聲所自拍牀
呼小女小女正熟睡

編校定圃師詩集竣事感賦四律兼簡煦齋世
講

每經門巷一傷神獨手遺編閱十旬世少達官傳別集
公原餘事作詩人性靈自抱中和氣颺拜兼逢喜起辰
管領風騷司禮樂尙書紅杏句皆春

朝趨禁苑夕公衙伺閒頻年侍絳紗豈料編文煩李漢
每緣問字賞侯芭後堂絲竹初無分前席勲名亦有涯

今日一燈披束筍那辭辛苦剔殘花

絕殊島瘦與郊寒氣象冲融想涖官相對九原如可作

最慳一字代求安當仁不讓吾何敢知己難逢古所歎

自媿才非袁趙匹鴻裁豈減兩文端

尹文端公詩集爲袁簡齋校刻近趙

甌北先生亦校鐫汪文端公集袁趙二公門下士也

卅載師門屬望殷名山事業漫云云眼中日色公無眩

鼻底天香我善聞讀父書還憐叔弼論交誼豈止陳羣

五科弟子盈千輩

公五主春閣

何幸迂疎獨定文

秋日

夏日炎炎只盼秋秋來卻是教人愁不知他日秋歸去
亦解將愁共去不

一載四首

一載閑居歲月新依然畱滯在緇塵身謀杜甫初原拙
骨相虞翻近倍屯但可鄉情親酒聖不能兄禮事錢神
感 恩省過多篇什坐覺詩囊未盡貧

維摩丈室一爐香天女無花散道場且檢方書治疾病
遑將團扇惜炎涼當頭明月仍孤照到眼寒葩只暫芳
爲問高陽舊徒侶可能潦倒廢清狂

陋巷蕭然騎從稀塵鋪曲徑鮮生扉朱輪畫轂非吾分
青箬綠蓑何處歸僕要有錢求熱地妻言無俸贖寒衣
爲官久已門羅雀不待休官賦式微

萬籥都歸鼓鑄中卻餘微物應商風晴能吐綬文章鳥

夜且縑絲絡緯蟲豈有不平鳴節序竝非無理鬧兒童
酒闌燈炮淒涼意賺得詩人比興工

求仙曲

坎離鉛汞鍊丹鑪白日昇天事有無若使劉安守都廁
石崇羣婢也押揄

中秋李隨軒

廷揚

招同王詒堂丁琴泉鄭秋浦

吳衣園查映山恬叔昆仲集寓齋玩月二首

纔下茅亭過荻洲

遊陶然亭而歸

晴檐先已白浮浮星辰疎落

殘棋布河漢微茫匹練收美酒莫離今夕手清暉會上

古人頭何當換骨排闥闖跳入冰壺汗漫遊

虛堂延敞抵高樓曠景真宜一覽收檻外遠山纖影現

門前積水碎光流
喬枝自合棲乾鵲
華屋無須嘅爽鳩
宅爲武進崔文恭公故第
寧受風寒忍孤月
明年身恐在他州

老境

青春別我去崢嶸
衰境潛從暗裏生
曾讀過書如隔世
最相知友忽忘名
齒牙未落先愁輭
鬢髮將枯冒再榮
偶遇少年腸作達
當筵袖手看奇兵

論疾

人身本無疾
致疾必有以
或由六氣淫
或緣七情使其
端忽於微
其甚誤於始
淺者在榮衛
深者入骨髓
東家有大豪
縱酒蓄聲妓
蝨賊日內訌
元氣漸銷毀
中乾外則強
形軀卻魁偉
扁鵲遇桓侯
侯望而知其死
彼猶宴然

樂昏極不知止一朝中風寒和緩難奏技西鄰龍鍾叟
厥患在股髀或言病痿者至竟不忌起叟獨弗謂然不
起則已矣旣無痛苦厄兼絕桑中喜服藥回衰陽一錯
不復理弗如守元牝壽命轉足恃孰不慕長生孰不養
小體不幸而有疾請君審彼此

重陽前一日雨窗作

樹葉落不盡籬花開欲繁雨中秋意足病裏客辭溫涉
世老逾怕閉門貧亦尊回思當日事直抵夢無痕

重九病足口占二首

菊花今日爲誰開藥裏關心廢酒杯畢竟晉朝風氣古
罷官猶有白衣來

足中有鬼休言仕眼底無山漫說登自此只須籌濟勝
明年準可踏峻嶒

讀書

蜀犬爭吠日粵犬爭吠雪日雪遍九州何限蜀與粵犬
性亦相類不緣邊徼別蜀陰粵復晴狺狺聲遂絕亮哉
柳子言日雪初無失水濕泥而渾火鬱烟而昏澂乃水
之性明乃火之真雖澂不拒滓雖明不辭燼泥去水自
澈烟盡火自燄善哉李生語水火曾何愆讀書慕古聖
成敗堪借鏡參以後世事往往不相應運會有適然惠
逆終一定經常萬古理肯令氣數勝古書非過差莫爲
聖人病

晨起卽景二首

嚴霜壓清夕砌草分離披蘭蕙共彫殘安論薺葉蒹葭天
地有正氣萬物敢怨咨如何曲士智但識陽春時
木葉本欲脫風來爲驅除昨宵聲勢猛一樹空無餘時
至自徂謝安能戀厥初無風亦搖落不過忍須臾

法時帆學士枉過論詩兼以舊著二卷相質贈
以長歌

時帆學士今名流好學精進無與儔銀臺退直開選樓
琳瑯金薤隨所收力扶大雅希前修學士選訂同館賦
詩數十卷授梓
詩往往窮險幽古心自鞭肝肺愁山鬼夜泣巴猿嘯長
歌短詠篇什稠如觀武庫森戈矛就中五字乃獨優長

城言誰敵劉高揖蘇州讓嘉州郊島徒自甘拘囚擘
開蘊藻菑苞抽纖眉盛鬚蠲膏油赤光寶燄騰精鏐披
揀寧待沙中求約西丈室臨泥溝心光一線入極游轆
轤下上無停畱三才萬象工雕鏤坐令品彙情難廋緊
余屏居星歲周閉門仰屋省悔尤逢人悶默恆低頭子
來譚藝軒睂酬珠璣況復盈囊投文章小技道之由詩
三百篇義溫柔初非語必驚人休水盛大小物畢浮全
潮未容認一漚讀書養氣勤耒耨鯢鵬變化在海洲魚
鰕瓊細不足讐古人何能占千秋吾曹歲月嗟悠悠

前詩未往時帆辱投二律次韻奉酬

名士愛如命古心誰與歡國風曾詠蓀楚畹只滋蘭蜨

夢今方覺鷗盟昔未寒
牀頭雄劍氣時一引杯看
孔李通家好相交不在詩
百篇披卷讀十日繫人思
傾蓋差欣早拙簪莫笑遲
空山麋鹿跡未必遣君知

荅客三首

何去何從只箇休
飄飄未礙一虛舟
往來曾傍誰牆壁
遊釣非無某水邱
縞縱能穿嫌弩末
米原可浙柰矛頭
殘年隨分相料理
歎息猶爲十日謀

半生落拓聳吟肩
官罷曾無磬室懸
舊事那論千劫懺
新詩只要一篇傳
歸與且作謀梁雁
老矣難爲舐鼎仙
縱是江湖同魏闕
依然頭角戴青天

明識魚羹飯最難
茫茫底處向人干
歸田頭趁三分白

戀 關心餘一寸丹闔事敢云臣職盡放閑終荷 國
恩寬長吟莫慮能招謫還爲昇平賦澗槃

露仲鬻所居之愛吾廬將還家通州感賦二篇
有生孰無吾未必知所愛世人亦有廬未必審所賣子
乃古學者唯恐吾或累守身如執玉外物少牽絀棄官
奉慈親諉草言樹背因之構華堂檐宇翼爽塏築亭夏
鑿池日日理荒穢儼然作主人經營近十載食指累千
百生計素拙昧月絀歲不足折閱漸稱貸如樹蝕脂膏
如水涸溝澮一朝棄厥居握券他人代每見富豪家築
室竊高大誓將貽百世不再傳而廢子本一腐儒結構
偶逢會兒孫自有福頭怕無茅蓋弗如及吾身了卻烟

雲債得吾失亦吾夫亦安所悔身外非吾有廬去吾仍
在他時吾喪吾要索形骸外

人家少邱壑有亦同於無自非性所詣欲去仍趑趄祇
緣愛子深并愛屋上烏偶思遣興處動輒造子廬庭前
得嘉蔭老樹八九株清風不待招好鳥時相呼壘石工
起伏屹如山澤癰迴闌豔桃柳曲沼豐菰蒲雪晨與月
夕充足供清娛飲酒賦清詩幾曾半月虛子廬子自賣
於我何有乎子意且恬然我何爲歛歎慨從今日後人
老興益孤滯畱雖不久更叩誰扉樞卻憐通路濱尚有
宅一區可以調膳羞可以安妻孥敝廬畏風雨亦欲賦
歸與擬學張融策牽船岸上居貧寒有等級子猶勝於

余努力愛景光今吾卽故吾

棋

布子零星腹背完滿枰黑白尙漫漫能探虎穴衝先易
但守鴻溝制勝難死地所爭惟一著機心相對有干般
莫翻舊譜論成敗當局何如袖手看

般字唐人押入寒韻

秦芝軒同年新膺開府之命述職來京話舊

別後奉贈四律

直從史館歷封疆平步雲霄路未央碧澣鯤圖鱗甲化
丹山鳳翽羽毛彰人安落屏如分陝

帝貯鹽梅特簡良自此詞林添盛事保釐舊是畢公鄉

近由詞館出爲觀察擢任督撫者惟公與秋帆制府二人秋帆初亦任陝撫

管內衡山夏華山

公初由楚藩調陝

立身相竝絕躋攀無私可

擾心寧靜有力能擔事鉅艱官貴依然儒氣味資深猶是少容顏黑頭公已人閒重況復名高岳牧班

珥筆承明騁子虛一麾初擁畫輪車兒童到處知司馬

詩禮當年付伯魚早識象賢經術裕最難競爽美名如

介弟亦以翰林直上書房

春暉倍極庭闈樂八座晨昏奉起居夫

人就養

有年

頻年晝接喜朝

天去秋方來親

邂逅還容展宿緣藥榜霓

裳曾附尾玉堂鈴索又隨肩

余與公同薇院事者三年

雲泥分隔交

情在關隴途長別緒牽作楫爲霖公等事未妨獨具五

湖船

時帆以所藏已未鴻博諸前輩崇效寺看梅詩

冊屬題漫賦

長安庭院從無梅巡檐索笑何有哉江南移種出煖窖
淺缸矮樹存條枚火攻仍須活火養不然禁痒潛相催
梢梢爐旁土埵側冰姿玉面汗煤炁百年以來文勝質

嫁桃聘李工爲媒

近日京師盆梅俱以桃李枝栽接者

當時一株已奇絕

近日花擔恆滿街崇效禪房亦此耳安得橫斜階下栽

寒香瘦影暗相召遂令驚動淵雲儕旬餘雨過趁吟賞

作者七人皆上才

七人者平湖陸義山菜秀水徐勝力嘉炎任邱麗雪厓澄東湖懷壯少佑

長洲馮方寅崑山陽李公凱鑑望江有詩可繼玉臺詠

龍政齋變也政齋獨無詩

當逸之耳

無酒誰罰金谷杯

寺中禁飲酒

趣疑荒寂韻終勝素練零落

連篇排學士好遊兼愛友詩興不待花神催白紙坊西
路深入常年共喫伊蒲齋羅浮舊夢不可訪丁香海棠
還盛開擘牋分韻紀幽勝流傳他日珍瓊瑰我將歸臥
孤山崖惜故屐齒無由陪倘逢驛使到京國定寄一枝
春信來

南窗二首

餐風回空穴病客坐南榮赤羽箭初落黃綿襖正迎直
如離裏愛頓減向隅情一葉蠅頭帖臨摹眼倍明
處暗室能白傾陽心自丹熏爐翻失煖裋褐不知寒日
下誠親切田間亦喜歡茅檐偕父老曝背話金鑾

簡田兄南歸將發適雨亭明府弟自雞澤來遂

邀上臨叔寓齋小集

宗黨守故鄉出入同閭井歲時觴豆味真率有餘永櫪
驥慕康莊各思四足騁彈冠及壯齒接武映臺省弟非
百里才亦縣勞簿領遂令牖下士不復安箕穎族運有
盛衰人事閱暄冷余旣獲瑕疵兄亦遭放屏同此閒退
身兄先理烟艇去住兩俱非飄飄剝蓬稷斯民三代遺
世路多機穽免官遠罪罟安知非天幸不見我叔癡處
囊要脫穎試看印六國何如田二頃今夕是何夕忽駐
飛鳬影歸人及未發羈客猶可併飲酒亦奚忌已覺失
前猛風寒天欲雪相對且酩酊

題常理齋愛吟草後

并引

理齋諱紀遼陽承德人乾隆丁丑進士選四川西
充令金川之役制府檄司糧餉旋以功陞崇慶牧
木果木之變君駐昔嶺知不免於難先期麾從者
出終不去遂與俱殉寶癸巳六月十日也君旣死
事之十七年其鄉人京兆少尹王爾烈刻其遺詩
所謂愛吟草者以示余余與君有故且忠貞手蹟
不可泯沒也乃爲題後凡四百八十字

古云不朽三立言與德功長劒哀國殤寧論文字雄大
凡忠義士賦詩不必工偶然桴著錄片甲窺神龍理齋
遼左傑作宰西南邦死事近廿年碧血埋蒿蓬忽披愛
吟草使吾心恍恍當其之官日取道經蠶叢幕寫雲物

趣意象開鴻濛與我入蜀詩太半題相同憶昔歲庚寅
持衡策使驄道途歷蹇險頭腦慚冬烘分校賴羣彥商
摧咸虛衷鏢闔匝月餘相伴燈檠紅詎料三載後兩賢
膏賊鋒一爲程大足桂一爲常西充維時金川曾狼狽
敢逞兇王師申薄伐兵威盛梯衝窮獸駭奔竄指顧
窟穴空將軍失廟算暗落賊計中誘降爲內應閒道潛
來攻半夜警風鶴六軍化沙蟲君實典度支出內糗糒
供賊來多於蟻賊去疾如蜂與糧俱存亡義不返顧躬
蒼黃背嶺上臣節遂告終死地無生理飛走路已窮不
死安所之毅烈齊凡庸獨異一書生手未習戈縱卻當
臨難際提刀搥賊胷連斃十數人隕血氣猶虹周苛旣

慷慨溫序仍從容嘗聞髫齡時讀書史事通至明周遇
吉裂背欽荊風授命乃素定大勇填膺腔非同辦倉卒
捐軀但怱怱江之水悠悠岷山高龍提華表鶴不歸雲
樹深千重浣花溪水頭有祠曰慰忠彝典備昭卹贈道
銜賜
祭葬陸其馨香秩祀崇武功旋者定已築鯨鯢封九原
目可瞑神其無怨恫同祀廿六人吳鑑南趙璞函皆詩
翁況傍杜陵叟斯文得正宗檣林龍竹邊颯爽尋靈蹤
此卷在天壤姓氏光熊熊底須聲律求抗墜歌玲瓏多
少譚藝家泯沒隨烟霧

以佩表鼻烟餉菊溪

異綬宜腰佩非烟與鼻謀陰須惜分寸臭莫等薰蕕自

叶其旋吉寧懷則噓憂吟詩無故實苦向腎腸搜

不寐偶成

衾枕最多情孤眠默數更嚴廳中夜陡殘月半窗橫人
老睡難穩身閒魂不驚猶餘未成句琢鍊到天明

十二月二十日立春

天地初非窄陰陽只自催人同四禪住春早一句來生
意先於菜鄉心半爲梅韶光無不被幾見到枯荄

歲暮

憂患都從夢裏空冰霜盡處轉春風世途誰可呼將伯
家事毋來瀾乃公病怕醫治聊自養詩嫌人愛不求工
歲徂莫晒淒涼況眼底寧惟我獨窮

小除夕評閱時帆學士近詩爲題二首

歲盡人事喧鶯鶯競滕喙先生掩關坐門外索酒債一
杯聊復飲日與君詩對生涯只如此吾道有顯晦
我癡君更甚詩句伴僧粥問道乃於旨聯翩出卷軸讀
罷有餘韻寒泉漱秋菊使我魂夢清獨抱梅花宿

桃符

楹貼宜春字門縣辟惡圖已知新歲鬼不怕舊桃符

悅親樓詩集卷二十終

男志裘

